

Whakaturunga i te Tumuaki o te Poari Whenua Maori o te Takiwa o Maniapoto-Tuwaharetoa, i raro i "Te Ture Whakahaere i nga Whenua Maori, 1900," me "Te Ture Whakanohonoho Whenua Maori, 1905."

Tari o te Minita mo nga Mea Maori,
Poneke, 20 o Hepetema, 1906.

KUA pai His Excellency te Kawana ki te whakatu i runga i nga ritenga o "Te Ture Whakahaere i nga Whenua Maori, 1900," me "Te Ture Whakanohonoho Whenua Maori, 1905":—

I a ROBERT CAMPBELL SIM, Esq., Tiati o te Kooti Whenua Maori,
hei Tumuaki mo te Poari Whenua Maori o Maniapoto-Tuwaharetoa, he riiwhi mo A. F. Puckey, Esq., kua nukuhia.
TIMI KARA,
Minita mo nga Mea Maori.

Whakaturunga i te Tumuaki me etahi Mema o te Poari Whenua Maori o te Takiwa o Waikato, i raro i "Te Ture Whakahaere i nga Whenua Maori, 1900," me "Te Ture Whakanohonoho Whenua Maori, 1905."

Tari o te Minita mo nga Mea Maori,
Poneke, 20 o Hepetema, 1906.

KUA pai His Excellency te Kawana ki te whakatu i enei tangata e mau ake nei o ratou ingoa i raro nei i runga i nga ritenga o "Te Ture Whakahaere i nga Whenua Maori, 1900," me "Te Ture Whakanohonoho Whenua Maori, 1905":—

I a JAMES WAKELIN BROWNE, Esq., Tiati o te Kooti Whenua Maori,
hei Tumuaki;
I a HEMI MAKI, o Paeroa, me
MARE TERETIU, o Kopu, Thames,
hei mema, mo te Poari Whenua Maori o Waikato.
TIMI KARA,
Minita mo nga Mea Maori.

PANUITANGA.

KO te rarangi ingoa o nga tangata utu reeiti mo te Takiwa Repo o Rangitaiki, kei te Tari o te Rangitaiki Poari i Whakatane e takoto ana, na ko tetahi kape kei te Poutapeta i Matata, e ahei ana kia haere noa te tangata kia kite, kaore he utu.

Ka tu te Kooti ki Whakatane, a te 15 o nga ra o Oketopa, 1906, ko Ropata, te Kai whakawa, ki te whakarongo ki nga whakahekanga, ki te whakatikatika i taua rarangi.

WM. LUSH,
30 o Akuhata, 1906. Apiha o te Poari. 839

PANUITANGA.

PEEKE TIAKI MONI I Nga Poutapeta.

1. **T**UWHEIRA ana he Peeke Tiaki Moni i ia ra, i ia ra, mo te mahi Tango Moni mo te mahi Utu Moni hoki i te nuinga o nga Poutapeta Whakaputa Ota Moni i Niu Tireni, i roto i nga haora i whakahaerea ai te Mahi mo nga Ota Moni.

2. Ko te Moni Hua e riro ana i te Kai-tuku Moni e £3 10s. I roto i te £100 mo nga moni tae atu ki te £200 e tukua ana e ia ki te peeke pera takoto ai, ki te neke ake nga moni i tukua peratia i te £200. tae atu ki te £500, ka hake iho te moni hua ki te £3 i roto i te £100. Kaore e utua ana he moni hua mo nga moni i neke ake i te £500 o te kaute kotahi.

3. E tino tau ana ki runga ki te Kawanatanga tonu te tikanga mo te utu hohoro i nga moni kua tukua e nga Kai-tuku Moni ki ana Peeke takoto ai.

4. Ka ahei te Kai-tuku Moni ki tetahi Peeke Tiaki Moni a te Poutapeta, ki te tuku moni ki etahi atu o nga Peeke pera i roto i taua Takiwa Poutapeta takoto ai, ka ahei ano hoki ia ki te tango mai i tana moni i roto i tetahi Peeke Tiaki Moni i te Poutapeta i roto i te Takiwa na e marama ana hei tononga atu mana.

5. E Kore itawa e Whakina nga ingoa o nga Kai-tuku moni ki nga Peeke Tiaki Moni i nga Poutapeta, te nuinga ranei o nga moni i tukua atu e ratou ki te Peeke takoto ai.

6. Ka ahei nga Tamariki, ki te tuku moni ki te Peeke pera takoto ai, ka ahei ranei kia tukua he moni ki te Peeke i runga i a ratou ingoa. Ki te maha atu o ratou tau i te whitu nga tau ka pena ano te tikanga mo ratou me te tika-nga e whakahaerea atu ana ki te bunga kua pakeke; engari ia e kore nga tamariki pera e ahei te tango atu i ana moni kia tae ra ano o ratou tau ki te whitu nga tau.

7. Ka ahei kia whakatuwheratia he Kaute Tukunga Topu i runga i te ingoa o te bunga tokorua, maha atu ranei mo te taha ki a ratou, mehemea eihara ano ratou i te Kai-tuku Moni i runga i te tikanga topu, motu-hake ranei.

8. Ko nga tono katoa e pa ana ki te tikanga whakahaere i te mahi o nga Peeke Tiaki Moni i nga Poutapeta, me nge utu ki ana tono, e puta utu-kore ana i roto i te meera.

9. Ki te hiahia te tangata kia whakamaramatia atu etahi atu kupu mo runga i te mahi whakahaere i nga Peeke Tiaki Moni, ka taea tana te tono atu ki te Rangatira o tetahi Poutapeta, te tono atu ranei ki.

TE HEKERETARI,
I te Tino Poutapeta, i Poneke.

Te Tino Poutapeta,
24 o Nowema, 1904.

PANUITANGA.

HE whakaatu teni kia mohiotia ai ka taea nga Pukapuka kua whakahuatia i raro iho nei te tono atu i a Kai-ta a te Kawanatanga i Poneke, ina tae mai te utu e tika ana, e pai ana te tuku Pane Kuini mai, noti o te Poutapeta, Ota Moni ranei.

Me ta whakaatu mai hoki te poutapeta e tata ana ki te kainga ina ka tuhia mai te pukapuka ki te Tari o te Kai-ta a te Kawanatanga:—

Te Pukapuka o nga Ture e pa ana ki te iwi Maori, o te tau 1886. Ko te utu 1s.

Te Pukapuka o nga Ture e pa ana ki te iwi Maori, o te tau 1888. Ko te utu 1s.

Te Pukapuka o nga Ture e pa ana ki te iwi Maori, o nga tau 1899-91. Ko te utu 1s.

Te Pukapuka o nga Ture e pa ana ki te iwi Maori, o te tau 1892. Ko te utu 1s.

Te Pukapuka o nga Ture e pa ana ki te iwi Maori, o te tau 1893. Ko te utu 2s.

Te Pukapuka o nga Ture e pa ana ki te iwi Maori, o te tau 1896. Ko te utu 2s.

Te Pukapuka o nga Ture e pa ana ki te iwi Maori, o te tau 1897. Ko te utu 1s.

Te Kahiti Rarangi Ingoa o nga tangata i wehea nei he rahu, mo ratou i roto i te Poraka o Waimarino. Ko te utu 1s.

Nga korero Paremete 1881 tae mai ki naianei, te utu mo ia pukapuka mo ia pukapuka pera, mo ia tau, he 6d.

Te Ora mo te Maori: Na Hemi Henare Popi. Ko te utu 1s.

Te Pukapuka Rarangi Ingoa o nga tangata o ia Wawahanga o ia Wawahanga o te Awarua Poraka, whakaatu hoki i nga hea o ia tangata o ia tangata. Ko te utu 10s.

Nga Taita Korero Whakapapa a te Maori, me nga Karakia o Nehe. Na Hone Waiti i mahi. Pukapuka Tua-ono. Ko te utu 7s. 6d.

Te Tiriti o Waitangi. He tino taunira teni. Ko te utu 5s. Nga Huarahi Whakahaere o te Kooti Whenua Maori, he mea ta ki te reo Maori. Ko te utu 1s.

Huarahi Whakahaere Apiti atu ki nga Huarahi Whakahaere o te Kooti Whenua Maori. Ko te utu 6d.

Karakia mo te ra (te 20 o nga ra o Hune) i whiwhi ai Te Kuini i te Karauna o Ingarangi. Ko te utu 6d.

Nga Tikanga Whakahaere i raro i Wahi II. o Wnanga 11, o "Te Ture Kooti Whenua Maori, 1894," he mea ta ki te reo Maori. Ko te utu 6d.

Nga Huarahi Whakahaere i raro i nga tikanga o "Te Ture Taone Maori, 1895." Ko te utu 6d.